

SAKSPAPIR

Saksnr	Utval	Type	Dato
045/15	Formannskapet	PS	27.05.2015
032/15	Heradsstyret	PS	17.06.2015
060/15	Heradsstyret	PS	04.11.2015

Saksbehandlar		ArkivsakID
Bente Skjerpung		15/70

Reglement for godtgjersle til folkevald for valperioden 2015 - 2019

Vedlegg:

REGLEMENT FOR GODTGJERSLE TIL FOLKEVALDE FOR PERIODEN 2015

Øk.vilkår for folkevalgteA5tilWeb

Reglementmøtegodtgjersle

godtgjerslejust04

godtgjerslejust08

«Med heimel i kommunelova §§ 41 og 42 vert framlegg til reglement for godtgjersle til folkevalde for perioden 2015 – 2019 vert godkjend slik det ligg føre i vedlegg til saka. Nytt reglement må og leggjast fram for det nye heradsstyret hausten 2015 for stadfestering.»

Formannskapet - 045/15

FS - behandling:

Kim Andre Hartveit, FRP, gjorde slikt framlegg: "Møtegodtgjersle for valperioden 2015 - 2019 vert avvika. Tapt arbeidsforteneste vert dekket. Heradsstyremøta blir flytta frå kl. 16.00 til kl. 18.00 for å spare pengar."

Ordføraren gjorde slikt framlegg om endring i pkt B: "Ordføraren si godtgjersle vert fastsett til den til ei kvar tid gjeldande godtgjering for stortingsrepresentantar."

PRØVERØYSTING - avvikling av møtegodtgjersle

Framlegget fall med 6 røyster (2AP,1KRF,1SP,2H) mot 1 røyst (1FRP)

AVRØYSTING

Rådmannen sitt framlegg med slik endring som

foreslått av ordføraren - tilrådd med 6 røyster (2AP,1H,1SP,2H) mot 1 røyst

(1FRP)

FS - vedtak:

Innstilling til vedtak i heradsstyret:

«Med heimel i kommunelova §§ 41 og 42 vert framlegg til reglement for godtgjersle til folkevalde for perioden 2015 – 2019 vert godkjend slik det ligg føre i vedlegg til saka og med slik endring i pkt. B: Ordføraren si godtgjersle vert fastsett til den til ei kvar tid gjeldande godtgjering for stortingsrepresentantar.»

. Nytt reglement må og leggjast fram for det nye heradsstyret hausten 2015 for stadfestering.»

Heradsstyret - 032/15**HS - behandling:****AVRØYSTING**

Formannskapet sitt framlegg vart samrøystes vedteke.

HS - vedtak:

«Med heimel i kommunelova §§ 41 og 42 vert framlegg til reglement for godtgjersle til folkevalde for perioden 2015 – 2019 vert godkjend slik det ligg føre i vedlegg til saka. Nytt reglement må og leggjast fram for det nye heradsstyret hausten 2015 for stadfestering.»

Heradsstyret - 060/15**HS - behandling:**

Rett innstilling til vedtak i heradsstyret:

"Med heimel i kommunelova §§ 41 og 42 vert framleg til reglement for godtgjersle til folkevalde for perioden 2015 - 2019 godkjend slik det ligg føre i vedlegg til saka og med slik endring i pkt. B: Ordføraren si godtgjersle vert fastsett til den til ei kvar tid gjeldande godtgjering for stortingsrepresentantar."

Kim Andre Hartveit, FRP, gjorde slikt framlegg: Grunngjeving: "Osterøy kommune har gjennom mange år hatt dårleg økonomi, det har arbeidarane og innbyggjarane i kommunen måtta betalt og slete hardt for. Eigedomsskatt vart innført og innbyggjarane måtte vera med på ein "dugnad" som det blei kalt, harde kutt har vert gjort mot dei svake og pleietrengande, skular har vert lagt ned, utan at det har vist noko resultat, kanskje berre høgare sjukmeldingsprosent. Det er me som politikarar som har ansvaret. Det er me som lagar budsjett og retningslinjer. Det er me som styrer rådmann og administrasjon. Derfor meiner eg at det er på høg tid at me også er med på "dugnaden" og gjer vårt for innbyggjarar, veljarar og arbeidstakarar i kommunen, til økonomien blir friskemeldt!

Framlegg til vedtak: "Møtegodtgjersle for valperioden 2015-19 vert avvikla. Tapt arbeidsforteneste vert dekkja. Heradsstyremøta blir flytta frå kl. 16.00 til kl. 18.00 for å spara pengar.

1. Ordførar

1.1 Fast godtgjersle (reglement for godtgjersle til kommunale folkevalde)

Fast årleg godtgjersle tilsvarar 60% av rådmannen si løn. Inga møtegodtgjersle eller anna godtgjersle i tillegg for arbeid som naturleg høyrer til vervet."

(grovt rekna innsparing på 7.2 mill på 4 år/ein periode)

Det vart halde pause i drøftingane frå kl. 19.30 - kl. 19.40 med gruppemøte for FRP

Kim Andre Hartveit, FRP, trekte no punktet om ordførarløna i sitt framlegg.

AVRØYSTING

Alternativ avrøysting:

Formannskapet sitt framlegg - 20 røyster
(4KRF,2SP,4H,1MDG,1V,8AP)

Kim Andre Hartveit sitt framlegg - 6 røyster (6 FRP)

(26 medlemmer/varamedlemmer til stades)

HS - vedtak:

"Med heimel i kommunelova §§41 og 42 vert framleg til reglement for godtgjersle til folkevalde for perioden 2015-2019 godkjend slik det ligg føre i vedlegg til saka og med slik endring i pkt. B: Ordføraren si godtgjersle vert fastsett til den til ei kvar tid gjeldande godtgjering for stortingsrepresentantar."

Saksopplysningar:

Bakgrunn

KS har utarbeidd ein rettleiar til hjelp for kommunane ved fastsetjing av økonomiske vilkår for folkevalde. KS tilrår at reglementet for godtgjersle vert fastsett av det avgåande heradsstyret og at det vert lagt fram for det nyvalde heradsstyret til godkjenning. KS rår vidare til at reglementet vert gjeldande for heile valperioden, slik at dei økonomiske vilkåra er kjende.

KS si tilråding omfattar også etterløn for folkevalde på heiltid og kva sosiale rettar som gjeld, då dei

ikkje er å rekna som tilsette i kommunen. Reglementet bør og ha med vilkår for dekking av tapt arbeidsinntekt, legitimert og ulegitimert og pensjonsordning.

Osterøy kommune sitt reglement for godtgjersle til folkevalde vart vedteke i 1993, og seinare er det berre gjort mindre tilpasningar og justeringar. Behovet for gjennomgang og oppdatering i h.t. dagens situasjon er difor til stades.

I Osterøy kommune er det berre ordføraren som er heiltidspolitkar og innmelding i pensjonsordning gjeld difor berre ordføraren. KS tilrår at folkevalde som har pensjonsordning betalar 2% av av godtgjersla til pensjonsordninga slik som tilsette gjer. KS tilrår også at folkevalde på heiltid bør ha same rettar som tilsette når det gjeld sjukepengar, svangerskapspermisjon, fedrekvote, opplæring, gruppelivsforsikring. Dette bør og gjelda i ein eventuell etterlønnsperiode.

I gjeldande reglement er ordføraren si godtgjersle sett til 90% av rådmannen si løn og dei andre godtgjerslene vert fastsette i prosent av ordførargodtgjersla. Dette vart fastsett i vedtak i 2007.

Det mest vanlege no er å relatera ordførargodtgjersla til stortingsrepresentantlønna og regulering i takt med denne. I større kommunar kan også godtgjersla vera relatert til statsrådslønna.

Forslag til nytt reglement for godtgjersle ligg ved saka. I tillegg ligg gjeldande reglement og KS sin rettleiar ved.

Det er ikkje teke med kommunal støtte til partigruppene i heradsstyret, då kommunen ikkje har praksis med å gje slik støtte.

Vurdering

Forslaget til nytt reglement tek omsyn til dagens organisering av utval. KS sine tilrådingar om økonomiske vilkår og sosiale rettar er teke inn. I forslaget er stortingsrepresentantløn lagt til grunn for satsane. Denne utgjer f.t. kr 865100 pr. år og vert årleg regulert. Dette er det mest vanlege ved fastsetjing av godtgjersle, og ein fordel med dette er at ordførargodtgjersla vert uavhengig av rådmannslønna.

Osterøy kommune innførte i 2003 etterløn for ordførar i tråd med KS si tilråding og dette er vidareført i nytt reglement.

Heradsstyret vedtok i sak 07/14 å å melda ordføraren inn i fellesordninga for kommunalt tilsette i samband med ny pensjonsordning for folkevalde.

Folkehelse – ingen merknader

Miljø – ingen merknader

Økonomi – utgiftene vil bli om lag som etter dagens reglement.

Konklusjon

Saka vert lagt fram til formannskapet for tilråding til heradsstyret.